



# سلسلة المقالات الساخرة

(سياسية - اجتماعية)

اعداد وتنسيق / *Amy & Rajol*



## المقدمة



السخرية موضوعنا والسخرية كما عرفها الدكتور شوقي ضيف هي أرقى أنواع الفكاهة ، لما تحتاج من ذكاء وخفاء ومكر ، وهي لذلك أداة دقيقة في أيدي الفلاسفة والكتاب الذين يهزأون بالعقائد والخرافات . ويستخدمها الساسة للنكاية بخصومهم وهي حينئذ تكون تهكمًا أو تقريرًا خالصًا . وقد تستخدم في رقة استخدامًا لاذعًا إذ يلمس صاحبها شخصًا لمسا رقيقًا. (١)

ولما كانت الكتابة الساخرة تسمح بنوع من الترخص اللغوي واللفظي ، لأنها موجهة لعامة الناس .. فهي لذلك قد تهوي بالكاتب الى مزيد من الترخص فيتحول الأمر الى ابتذال بحت ، وأثناء اعدادنا لهذا الكتاب واجهنا ما هو أشد من ذلك مما يصل الى درجة الانحطاط ، لذلك قمنا باستبعاد

(١) الفكاهة في مصر .. د/شوقي ضيف .

المقالات السوقية التي هي أقرب الى السباب ، وكذلك المقالات التي يعتمد أصحابها على التطرف المبالغ فيه .

ووضعنا نصب أعيننا شعارا هو : "السخرية ليست هزلا" ، وانطلقنا منه في جمع مقالات ذات جوهر ، تحوي مضمونا ليست مجرد عبث أجوف هدفه الضحك فقط .. فالكتابة الساخرة من وجهة نظرنا لا بد أن تحترم عقل القارئ فوق كونها تطرح قضية ..

يتميز هذا اللون كذلك بأنه يحتاج الى سرعة بديهية تمكن القارئ من التقاط الخيط من بداية المقال حتى تتبلور في ذهنه الافكار التي يطرحها الكاتب ، فغني عن الذكر أن الكتابة الساخرة خاصة تلك التي تتناول موضوعا سياسيا أو اجتماعيا شائكا تميل الى التلميح دون التصريح ، ولعل في ذلك متعة أيضا للقارئ .

فكرتنا قامت على جمع المقالات التي ارتأيناها مهمة وتنسيقها بصورة أفضل جاذبة للقراءة .. وطرحها مجتمعة حتى يسهل الوصول إليها ، وحتى لا يضيع أي منها ، ولا



نزال نذكركم بأن الفكرة قابلة للمراجعة والتطوير ، وأى اقتراح نرحب به طالما أنه سيرفع من قيمة العمل ... وكتابنا بلا خاتمة أو صفحة غلاف خارجية .. لأننا نطمح بدعمكم وتشجيعكم لنا في الاستمرار في جمع المزيد من المقالات ، والتوسع في الامر لتغطية أكبر قدر من الكتاب الساخرين .. وكذلك تقييم الأفضل منهم .

مائدتنا دسمة غنية ، حوت عددا من الكتاب المعاصرين لا غبار عليهم ، اتفقنا جميعا على نزاهة معظمهم ، تضم موسوعتنا اذن .. كلا من :

د/أحمد خالد توفيق

ا/يوسف معاطي

السيناريست/ بلال فضل

ا/أحمد بهجت

ا/أسامة غريب

الشاعر/أحمد فؤاد نجم

الصحفي / إبراهيم عيسى

الكاتب الشاب/ عمر طاهر

وغيرهم من رواد الصحافة والكتابة الساخرة .. وقد أضفنا نوعا من الاستفتاء نرجو أن تشاركونا فيه ، نريد أن نعرف من هو أفضل كاتب مصري ساخر، وكذلك أفضل مقال خاصة وأن هذه المقالات معاصرة كتب أغلبها في الفترة ما بين (٢٠٠٥/٢٠٠٨) .. صوتك يهمنا !

الهدف من ذلك أن نهدي كلمة شكر لمن ساهم في نقد شيء داخلنا مع رسم البسمة على شفاهنا ، هي رسالة سامية حقا تظهر إذا ما قورنت بالنقد الهدام .

نتمنى من الله أن نكون قد وفقنا في تقديم شيء مسل هادف ، وإن اعتراه نقص فنحن على يقين بأن الكمال لا ينبغي لمخلوق ، فإن أعجبكم ما قدمنا فتكفينا دعوة بظهر الغيب ، وإن لم يعجبكم فشيمة الكرام ستر العيب... ولسان حالنا ينطق بقول العماد الأصبهاني : "إني رأيت أنه لا يكتب إنسانا كتابا في يومه إلا قال في غده : لو غير هذا لكان

أحسن ، ولو زيد كذا لكان يستحسن ، ولو قدم هذا لكان  
أفضل ، ولو ترك هذا لكان أجل ، وهذا من أعظم العبر ، وهو  
دليل على استيلاء النقص على جلة البشر".

*Amly & Rajol*

Dec , 2008



## تعريف بالكاتب:



الكاتب الكبير أحمد بهجت يكتب فى جميع المجالات  
ويتميز بالكتابة الجادة والساخرة سواء فى كتبه أو فى  
عموده اليومى "صندوق الدنيا" بجريدة الأهرام .

كما أنه يعد البرنامج الاذاعى كلمتين وبس  
فى لبرنامج العام من القاهرة الذى ينتقد الكثير من الاوضاع  
السلبية بالمجتمع ويلقى الضوء على القضايا الهامة.

من أهم كتب الكاتب أحمد بهجت:

الله فى العقيدة الإسلامية: رسالة جديدة فى التوحيد

أنبياء الله

قصص الحيوان فى القرآن

مذكرات زوج

مذكرات صائم

صائمون .. والله

تحتمس ٤٠٠ بشرطة

تفاحة آدم

أهل اليسار يا ليل

وللكاتب المتميز أوراق يومية تتضمن العديد من القصص القصيرة الطريفة الساخرة التي تتعامل مع شتى أنواع الطيور والحيوانات وأحيانا الحشرات ، فمثلا مرة كتب قصة حول نملة تتبعها بالبيت ومرة ثانية حول قطة وحواره معها وهكذا.



## طاقة أبوعجور



تنفس الصبح في القرية ودبت فيها الحركة كعادتها  
كل يوم..

كان ابو عجور نائما..

نصف نائم ونصف مستيقظ..

ان عينيه مفتوحتين ولكنه لا يتحرك، يريد ان ينهض  
ولكنه اكسل من ان ينهض..

قال له صوت داخلي - يجب ان تنهض، ولكنه رد  
عليه بقوله - لماذا انهض.. ليس هناك من يحتاج إلي.. انني  
أبدوا علي الدوام زائدا في المكان. ووجودي او عدم وجودي  
سيان، والناس يطلقون علي وصف التافه والهلفوت  
والعبيط..

لماذا ينهض اذن من نومه..

ظل ابو عجور في فراشه مستمتعا بكسله..

حدثته نفسه - ألا توجد وسيلة تقتع اهل القرية انه  
ليس تافها ولا هلفوتا.. ألا توجد وسيلة تقتع اهل القرية انه  
مجرم مثلا الي الحد الذي يخشون علي حياتهم منه..

هكذا كان ابو عجور يفكر..

فجأة.. شق السكون صوت صرخة قصيرة تحولت  
الي صوت يؤكد ان كارثة قد وقعت في القرية، قاوم  
ابو عجور رغبته في النهوض ولكنه نهض بسرعة وفتح  
باب غرفته فاذا هو في الشارع..

كانت بهانة هي التي ترفع بالصوت..

سألها ابو عجور: بتصوتي علي ايه يابت..

قالت بهانه: شيخ البلد..

سأل ابو عجور: ماله شيخ البلد؟

قالت بهانه - قتلوه..

سأل ابو عجور - مين اللي قتله..

قالت بهانه نافذة الصبر - ايش عرفني مين اللي  
قتله..

وفكر ابو عجور قليلا واتخذ قراره علي الفور..

يجب ان يذهب ليتفرج علي الموقف كله.. وعاد يسأل  
بهانه - وهو فين شيخ البلد دلوقتي..

قالت بهانه - في غيط الدرة اللي جنب الجامع..

لم يكا ابو عجور يسمع العنوان حتي عدل طاقيته فوق  
رأسه وتوجه علي الفور لمسرح الجريمة..

حين وصل لم يكن هناك عدد كبير من الناس، بعض  
الصبيه والبنات وبعض من ليس لديهم عمل من الصايعين  
من اهل البلد وكان شيخ البلد راقدا علي وجهه وقد خمدت  
انفاسه..

ولما كانت الاخبار السيئة تنتقل اسرع من الاخبار  
الطيبة، من هنا وصل شيخ الغفر ووصل بعده العمدة..

ومع مرور الوقت كانت الدائرة تتسع حول القتل،  
وكان أبو عجور يقف وسط الدائرة تماما، ولكنه كعادته كان  
يقف دون ان يلاحظه احد ودون ان يعبا به احد او يلتفت اليه  
احد، وحين حاول الكلام اسكتوه بإشارة سريعة من ايديهم..

وطالت وقفة ابو عجور..

*Rajol*

كانت نفسه تحدثه بأشياء وكان يحدث نفسه بأشياء..  
تلفت حوله فلم يجد احدا ينظر اليه، ومد يده الي رأسه وخلع  
طاقيته والقاها علي الأرض وانصرف من المكان كله..

كان تقديره ان المباحث سوف تصل الي المكان،  
وستعثر المباحث عن الطاقية، وسوف تتبع مصدرها حتي  
تصل اليه، وسوف يشيع في القرية كلها ان اصابع الاتهام  
موجهة اليه وانه قاتل شيخ البلد..

وهنا سيكشف الناس عن اتهامه بالهيفاء، وسيبدأون  
بالخوف منه وعمل ألف حساب له..

عاد ابو عجور الي غرفته حيث استكمل نشاطه في  
تكملة النوم..

الساعة الرابعة بعد الظهر دق باب غرفة ابو عجور..

كان الطارق شيخ الغفر..

قال شيخ الغفر لابو عجور: العمدة عاوزك  
يا ابو عجور..

قال ابو عجور: عاوزني في ايه..

قال شيخ الغفر: ما قاليش.. هو عاوزك وبس..

قال ابو عجور وهو يمثل دور الرجل الخطير - انا مش  
فاضي دلوقتي يا شيخ الغفر..

قال شيخ الغفر - تعالي معايا يا ابو عجور بدال ما تروح  
شايلينك مرابعة واصداغك مورمة..



انصاع ابو عجور للأمر وذهب مع شيخ الغفر وهو  
يوسع خطواته..

كان العمدة يجلس في غرفة الضيوف مع شخص  
تبدو عليه المهابة وان كان صامتا..

سأل العمدة ابو عجور وهو يمسك في يده طاقة..

- الطاقة دي تبعك يا ابو عجور والا مش تبعك..

نظر ابو عجور في الطاقة وقال - شبه طاقتي..

تكلم الرجل الصامت في الغرفة واعاد سؤال العمدة  
بشكل آخر..

قال مخاطبا ابو عجور - دي طاقتك والا لأ..

تردد ابو عجور قليلا وقال انها طاقتيه..

وهنا صرفه الرجل الغامض وبقي مع العمدة، اما  
ابو عجور فبقي وحده في الخارج.....

ماذا قال العمدة للضابط.. وماذا حدث لابوعجور  
وماذا قال الناس عنه..

الاجابة في الاسبوع المقبل ان شاء الله..



## (٢) طاقة أبوعجور



[مشهد ١]



العمدة بانفعال خفيف - ما تصدقوش يا سعادة البك،  
ده هايف وهلفوت ولا يقتلش... ما يعرفش يقتل.. خايب في  
كله..

قال الضابط بنفاد صبر..

- ما اصدقوش ازاي... اذا كانت طاقيته جنب الجثة..

قال العمدة للضابط:

- انا حكي لسعادتك حكاية كان بطلها أبو عجور، في يوم زمان اتسرفت بهائم في البلد... انكسرت الزريبة والبهايم اتسرفت، فات أبو عجور عا الزريبة ووقف يتفرج مع الناس اللي بتتفرج، قبل ما يمشي رمي طاقيته في الزريبة..

المباحث جابته.. دي طاقيتك.. قال شبهها. سألوه فين البهايم اللي سرقتها.. قال انا لا شفت بهائم ولا سرقت بهائم.. أنا لاني فاهمه كنت مصدقه..

مسكته عجنته م الضرب لحد ما اعترف انه رمي طاقيته في الزريبة..

غاوي منظره... هلفوت وخايب..

نهض الضابط ونظر في ساعته وقال للعمدة - انا مش  
جاي لك تحكي لي حواديت يا عمدة.. انا عاوزك تعرف لي  
معلومات عن ابو عجوز، وعائز اعرف معارفة وقرابية  
واصحابه.. وبعدين ابعتهولي احطه في التخشيبه لحد ما  
يعترف..

انصرف الضابط وبقي العمدة وحده، استدعي العمدة  
ابو عجوز وقال له - يا ابو عجوز.. انا عارف انك هايف..  
واهبل وعاوز الناس تشاور عليك وتقول ابو عجوز قتل شيخ  
البلد، وانت لا قتلت ولا هببت....  
اطلع م الحكاية قبل ما الدنيا تتطربأ عليك..

دكهه كانت سرقة بهائم وفيها حبس، المرة دي ممكن  
يبقي فيها إعدام. احسبها انت بقه وقول لي..  
فكر ابو عجوز في الكلام الذي يقوله العمدة ورآة  
منطقيا.. ارتعش في ملابسه وسأل العمدة..



- اعمل ايه دلوقتي يا عمدة؟

قال العمدة - اعترف بالي حصل.. قول الحقيقة..

قال ابو عجور - اقولها لمين؟

قال العمدة - قولها لمحمود بك ظابط المباحث.. وروح

سلمه نفسك انا حبت معاك شيخ الغفر..

[مشهد ٢]

طريق زراعي طويل..

ابو عجور يسير في الطريق مع شيخ الغفر..

قال شيخ الغفر بلهجة أمره..

- اشترى لنا علبة دخان يا ابو عجور.. وفتح مخك في

القسم.. ولا تزعلش لو حد ضربك، ضرب الحكومه شرف..

استقبل ابو عجور هذه الكلمات وجسده كله ينتفض،

انه يذكر المرة الاولى في حادث البهايم المسروقه، لقد عجنه

العمدة من الضرب.

وهذه المرة لا يعرف من الذي سيضربه، واحس  
ابوعجور بالرهبة.. وراح يتساعل بينه وبين نفسه..

- ماذا لو لم يصدقوه.. ماذا لو حكم عليه بالاعدام في  
قتل شيخ البلد، بينما الحقيقة انه لا يعرف شكل شيخ البلد  
ولم يره في حياته غير لحظات..

ومضي ابوعجور يفكر حتي اهتدي الي حل..

سيتبع كلام العمدة.. سيقول الحقيقة كاملة لضابط  
المباحث وسيعترف بما حدث دون زيادة او نقصان..

[مشهد ٣]

قسم البوليس

كان البك ظابط المباحث مشغولا حين وصل ابوعجور  
فأودعوه في التخشيبية..

راح ابوعجور يتأمل وجوه المجرمين حوله.. كان  
هناك اللصوص وكان هناك القتلة بحق وحقيق..

سأله واحد تبدو عليه علامات الاجرام..

- انت جاي بتهمة ايه؟

قال ابو عجور:

- تهمة قتل.

عاد الرجل يسأله - طبعا حثقول ما قتلتش..

قال ابو عجور: انا فعلا ما قتلتش.. الحكاية كلها آن  
الطاقية وقعت مني جنب القتل - لم بكد الرجل يسمع كلام  
ابو عجور حتي انفجر ضاحكا وراح يقهقه ويضرب الارض  
بأقدامه وهو يقول - كلهم بيقولوا كده.. ايه الجبن ده..

واحد قتل يقول انا قتلت..

[مشهد ٤]

غرفة ضابط المباحث..

ابو عجور واقف وضابط المباحث جالس يقرأ..

أوراقا في يده، ثم يلتفت لأبوعجور بعد فترة قائلا:

- مش حتقول لي تفسير لوجود طاقيتك جنب جثة

شيخ البلد..

قال ابوعجور - انا حقول لسعادتك الي حصل بالظبط

انا لما رحت مكان الحادثة كانت الطاقة معايا، وكان شيخ

البلد قتيل.. وقعت مني الطاقة وانا ماشي مروح انا لا قتلت

ولا هببت..

قال ضابط المباحث - ده كلام مش مقنع يا ابوعجور

*Amy*

قولنا الي حصل ولا تكذبش..

من البولس الي النيابة ومن النيابة الي المحكمة أما

نهاية الصورة فكان ابوعجور يقف وراء قضبان السجن


متهما في قضية قتل. اسانيده فيها واهية. ودفاعه فيها

متهافت..

واقترب ابوعجور من حبل المشنقة او اقترب منه

حبل المشنقة، ثم وقعت المعجزة..

ثم العثور علي قاتل شيخ البلد، واعترف فاطلق  
سراح ابو عجور، من يومها لم يعد يرتدي الطاقة حتي في  
فصل الشتاء..





## حمى الساحل الشمالي



استيقظ سيد أفندي من نومه يوم الجمعة صافي  
المزاج رائع البال...

لا يعرف لماذا؟

أحيانا يستيقظ من نومه معتكر المزاج دون سبب،  
وأحيانا يحدث العكس..  
وفي جميع الأحوال لا يعرف السبب...

قال لنفسه يوما، لعلها الشيخوخة وتقلبات العمر...

لم تمض دقائق علي احساسه بهذا الشعور الجميل  
حتى دخلت زوجته الحجرة..

بوزها شبرين وجبينها مقطب والنفاريت تلعب في  
عينها سألت سيد أفندي

احنا في شهر ايه ياسيد...

عد سيد الشهور علي اصابع يديه وقال لها.. شهر ٦

قالت له: شهر ستة خلاص خلص، احنا في شهر ٧

شهر يوليو..

قال سيد: أنعم واکرم... شهر الثورة..

قالت زوجته: مركز معايا ياسيد... انا مش جايه اتكلم

في الثورة..

سألها: امال جاية تتكلمي في ايه... خشي في

الموضوع دوغري ياتفيدة..

قالت: احنا في شهر المصيف... شهر الفسحة...

شهر الساحل الشمالي.

قال سيد: وماله... ما احنا حنصيف زي كل سنه ما

بنصيف..

ان شاء الله علي آخر اغسطس نساfer إسكندرية  
اسبوع والا عشر ايام زي عادتنا

قالت الزوجة بانفعال

انا مش رايحة اسكندرية السنة دي..

سأل سيد: امال عاوزة تصيفي فين؟

قالت تفيدة: عاوزه اصيف في الساحل الشمالي  
قال سيد: وماله... نصيف في الساحل الشمالي، نأجر  
اسبوع و الا عشر ايام..  
قالت الزوجة: انا مش حصيف عشر ايام والا  
اسبوعين..

انا عاوزه اصيف في شاليه ملكي... في فيلا بتاعتي..  
الدنيا كلها اشترت في الساحل الشمالي واحنا قاعدين نتفرج  
علي خيبتنا، علي رأي المثل..

كل الناس خيبتها السبت والاحد، واحنا خيبتنا مش  
علي حد..

تعكر مزاج سيد افندي وزايله احساسه بالروقان،  
سكت برهة ثم قال لزوجته.

انتي عارفة الفيلا في الساحل الشمالي سعرها كام..

قالت: حيكون كام يعني... يكون زي مايكون... انا  
اعصابي تلفت من قلة الخروج وقلة الفسحة... اتصرف  
ياسيد... انت لمابتعوز فلوس بتجيب فلوس..

قال سيد: اجيب منين ربع مليون والا نص مليون  
والا عاوزه الفيلا عالبحر ودي سعرها مليون

عاوزاني اسرق ياتفيده... بعد ماعشت طول عمري  
نضيف وشريف عاوزاني اسرق.

قالت الزوجة: ماحدش طلب منك تسرق، المطلوب  
منك انك تتصرف.. انت مش وارث فدانيين ارض.. بيعهم  
وتشتري شالية بتمنهم.

قال سيد: ايوه كده.. انا فهمت غلط.. افكرتك عاوزه  
فيلا... إنما حيث انك عاوزه شاليه.. ده امره سهل وفلوسه  
معقولة، يعني حيخش له في ٢٠٠ ألف جنيه احنا معانا  
منهم ١٣٠ جنيهها يبقي ناقصنا كام..

نحسبها... ونعمل شراء الفيلا ده مشروعا القومي...  
نشوف كل شهر ممكن نحوش كام.. ونشوف حنقعد كام شهر  
نحوش..

لو انتي مسكتي ايدك في المصاريف ممكن نحوش كل  
سنة ألف جنيه، بعد ٢٠٠ سنة نكون جمعنا المبلغ نبني  
الشالية علي راحتنا..

ولما ييجي شهر يوليه نبقي نروح في أغسطس نقعد  
لنا عشر أيام والاشهر في الشالية.

كان وجه الزوجة يتلون وسيد أفندي يحدثها، فلما  
وصل إلي هذا الجزء من حديثه نهضت الزوجة واقفة وقالت  
بحسم.




أنت بتهرج ياسيد... وأنا بتكلم جد..

أنا اتوكست ياسيد... طول عمري بختي مايل، أنا  
مش حتناقش معاك، لكن انا حقول لك كلمة واحدة...  
اتصرف..

أنت مش لك اصحاب... ضروري حد فيهم غني..  
استلف منه، أو بيع الارض الي عندك.. اتصرف ياسيد..  
المهم انك تتصرف

قالت عبارتها الاخيرة وخرجت ثائرة من الغرفة.  
لم يكذب سيد افندي الخبر... وفتح صديقه عم عبده  
في الموضوع، سأل - أنت غني يا عم عبده، قال له الحمد لله،  
قال له عاوز ٢٠٠ ألف جنيه عشان مراتي عاوزة شالية في  
الساحل الشمالي، وضحك عم عبده حتي سقط طقم اسنانه،  
وانتهي الموضوع عند هذا الحد مؤقتا.



## صوت المعركة



تصور سيد افندي ان المعركة التي اثارت غبارها زوجته قد انتهت وانقشع غبارها وانتهت برفض شراء فيلا في الساحل الشمالي. ولكنه كان واهما ان زوجته رفعت شعارا يقول - لاصوت يعلو فوق صوت المعركة وصارت تنتهد عن قلب مثقل بالهموم.

اذا سألها سيد افندي - لماذا تنتهدين؟

كان جوابها - اتهد علي ميلة بختي.

اذا سألها - لماذا مال بختك؟ كان الجواب معروفا..

وواحدا في كل مرة انها الفيلا في الساحل الشمالي.

هذا هو الحلم الذي يطوف بخيالها وهي نائمة وهي

مستيقظة، ومثل الاعلانات السخيفة التي تنتصر بالتكرار،

بدا واضحا ان الزوجة في طريقها للانتصار.

في البداية جندت ابناؤها لاقتناع سيد افندي بشراء  
الفيلا، كان الاولاد يستخدمون سلاح القر والتكرار، اما هي  
فاستخدمت سلاح الدموع.

وأحس سيد افندي مع الوقت ان سر تعاسة اسرته  
وشقائها ونكدها انهم لا يملكون فيلا في الساحل الشمالي،  
وايضا لا يملكون شالية.

ومع مرور الوقت صار سيد افندي يحس بالذنب،  
وينظر لنفسه فيري نفسه تقف دون سعادة اسرته.


وخطت زوجته خطوة عبقرية اخري.. كانت تعلم من  
طول عشرتها لزوجها انه يحب امه ولايرد لها كلمة فبدأت  
تكثر من زيارتها وتتحدث عن مشروع الفيلا في الساحل  
الشمالي، حديثا يبدو وكأنه عفو الساعة والخاطر.

وكثيرا ما كانت الزوجة تقلب الصحف امام حماتها  
حتي تصل الي اعلان عن فيلل الساحل الشمالي وتفرد  
الجريدة امام حماتها وتقول لها - تصوري نفسك في فيلا بهذا  
الجمال وامامك البحر وانا في مطبخ الفيلا اقوم بالطهي لك.

وكانت الصورة تغري بالقبول والتحرك

وهكذا وجد سيد افندي نفسه هدفا من زوجته وابنائها  
وامه لقد اقتنعوا جميعا بجدوي شراء فيلا او شالية، وبقي  
اصعب شئ في الموضوع وهو - من اين نأتي بنقود الفيلا.

قالت زوجته - ده سهل.. فيه ناس بتدفع فوري، وفيه  
ناس بتقسط، نخش احنه في التقسيط.



تم الاتفاق مبدئيا علي فكرة التقسيط.

ونام المشروع شهورا ثم حركته الزوجة.  
وضعت امام زوجها عشرة آلاف جنيه ذات يوم.

سألها سيد - ايه الفلوس دي.

قالت - كل الذهب اللي عندي.. شبكتي وغوايشي  
بعتهم وآدي فلوسهم.. عشان الفيلا.. اتحرك انت بقه ياسيد..

وتحرك سيد نحو المقهي حيث التقى بصديقه عبده.

كانت ملامح وجهه توحى بالمازق الذي يعيشه..  
وسأله عبده.

- مالك ياسيد.. شكك زي الفلاح اللي غرق دراه

حكي سيد لصاحبه عبده القصة الكاملة.

استمع اليها عبده حتي النهاية، ثم قال له - عاوز  
رأيي قال سيد: طبعاً.

قال عبده: رأيي انك تستسلم.

قال سيد: ازاي يعني

قال عبده: اشترى لهم شالية في الساحل الشمالي..  
مادام دي رغبة الكل.

قال سيد: اجيب فلوس منين

قال عبده: انا اعرف منك انك ورثت فدانيين.. بيعهم  
واشترى الشالية.

قال سيد: ابيع ٨ آلاف متر عشان اشترى ٢٠٠ متر.

قال عبده: حتمل ايه ياسيد.. ما انت مضطر،  
والمضطر يركب الصعب..

قال سيد: انا كنت شايل الفدانين دول لعوزة، زي بنت  
بتتجوز أو ولد عاوز يتجوز ولزماء شقة.

كده انا حاسس اني عريان لو حصل اي طارق  
حلوص.

قال عبده: خليها علي الله ياسيد.  
بعد عامين من التردد والمفاوضات والبيع والشراء  
وتجميع النقود، نجح سيد افندي في تجميع ثلثي ثمن  
الشالية، اخيرا أصبح سيد افندي يملك مفتاحا لشالية يطل  
علي البحر الابيض المتوسط.

واقترب يوم تسليم الشالية، واشترت زوجة سيد  
افندي طورطه فاخرة من اغلي محل للحلويات.

واشتري الاولاد مايوهات للسباحة، واشتروا لسيد  
افندي ايضا مايوها للسباحة.



وجاء اليوم الموعود وتسلمت العائلة مفتاح الشالية  
وقررت ان تبني فيها.  
وكانت ليلة ليلاء.



## مغامرات سيد أفندي في الساحل الشمالي ١



يسكن سيد أفندي في حي شعبي في مدينة القاهرة،  
وهي مدينة صاخبة لا ينقطع فيها ضجيج الشوارع اما  
الشاليه الذي اشترته زوجته فكان يقع في قرية هادئة صامته  
صمت المقابر.

في البداية استراح سيد افندي لهذا الصمت، قال  
لزوجته.

- شايقة الدنيا ساكنه ازاي.

قالت زوجته بفخر - عشان تعرف انك متجوز عبقرية  
لم يعلق سيد افندي علي ما قالت زوجته، وراح يستمتع  
بالهدوء والصمت.

وظل احساسه بالراحة سائدا حتي غابت الشمس  
واظلمت الدنيا خارج الشالية.

وبدا سيد افندي يحس بالقلق كلما نظر خارج الشالية  
حيث اللوحة سوداء ليس فيها تفصيل لاي شئ يبعث علي  
الطمأنينة وبدأ الخوف يغزوه.

قال لزوجته - انتي جيتي قبل كده.. ماخفتيش تيجي  
لوحدك.

قالت زوجته - أخاف من ايه.. الولاد كانوا معايه.

قال سيد: كنا جنبنا الأولاد معانا.

قالت زوجته: بكره الضهر حيمشوا من مصر..  
يوصلوا هنا في الضوء قبل المغرب.

ماتقوم ياسيد نتمشي لحد البحر.

قال سيد: نتمشي في الضلعة الكحل دي.. لا حنشوف  
البحر ولا البر.

قالت زوجته - انا متهياي انك جعت.. اجيب لك ايه  
تأكل، انا طبخت كل حاجتنا في مصر.

قال سيد: ماليش نفس.

قالت زوجته - حبيب لك خرطة مكرونة، انا عارفة  
انك بتحب المكرونة الباشامل.

قبل ان يجيبها سيد.. سمع صوتا من المطبخ.. لم يكن  
في البيت احد غير سيد افندي وزوجته.

من اين جاء هذا الصوت.

سأل سيد افندي زوجته - ايه الصوت ده؟

قالت: انت اتخضيت ليه ياسيد.. تلاقي الفيران وقعت  
حاجه.. علي اي حال انا مستعدة وجايلهم من مصر حاجة  
تجيب أجلهم وتريحنا منهم.

سأل سيد افندي - منين الفيران دي؟

قالت زوجته: م الجبل ياسيد.. انت ناسي ان احنه  
قاعدين في صحرا.. وبعدين انت قلقان ليه.. انا مستعدة لهم.

نهضت الزوجة واخرجت من حقيبة يدها شيئاً ثم  
اعطته لسيد وقالت له.

حط الورق ده في المطبخ، الفيران حيمشوا عليه  
ويلزقوا فيه.. نرميهم في صفيحة الزبالة نبقى خلصنا منهم.  
قال سيد: نبقى خلصنا منهم ازاى.

قالت الزوجة - حيفضلوا لازقين لحد ما يموتوا.. انت  
خايف واللايه ياسيد.  
كان سيد خائفا ولكنه رفض ان يعترف لزوجته بذلك  
وقال لها انا مش خايف، انا قرفان.

نهضت الزوجة ومعها الورق اللاصق وغابت قليلا  
في المطبخ وعادت في يدها ثلاثة فيران يلتصقون بالورقة  
ويصدرون اصوات استغاثة كأنهم اطفال.

اعطت الورقة اللاصقة لسيد وقالت له:

- ارميها في الزبالة اللي في الشارع اللي قصد البيت.

قال سيد لزوجته:

- ارميها انتي.. انا مش عارف صفيحة الزبالة فين..

كانت المشاعر التي تردد في قلبه مختلفة  
ومتضاربة..

انه يخاف من الفئران اساسا، ويدركه القرف منها  
في نفس الوقت.

وهو لم يكن يريد ان يصبح مالكا لشالية في الساحل  
الشمالي، ولكنها موضة ادركت الناس جميعا بلا استثناء  
ولولا ضغط زوجته عليه ما تحرك للشراء وراح يفكر في هم  
الديون الباقية من ثمن الشالية، وفي نفس الوقت كانت تصله  
اصوات الفئران وهي تستغيث كاطفال وقعت في بئر.

وانحرف مزاجه وتعكر تماما.

لم تمض زوجته وقتا طويلا خارج البيت وعادت بعد  
ان تخلصت من الفئران.

قالت لسيد - انا عملاك مفاجأة ياسيد.



لم يسألها سيد ماهي المفاجأة.. وادركت زوجته انه  
متعكر المزاج واسرعت الي المطبخ وعادت تحمل في يدها  
شيشه.

قالت لسيد - حولك لك الفحم في دقائق وحتشرب  
شيشه حالا.

دخل سيد فراشة بعد ان شرب الشيشة وتعشي،  
ويظهر انه اكل اكثر مما ينبغي لانه شهد احلاما مرعبة.



## مغامرات سيد أفندي في الساحل الشمالي ٢



دخل سيد أفندي فراشه في الفيلا التي اشتراها في  
الساحل الشمالي ولكنه لم ينم..

أخذ وضع الاستعداد للنوم وكمش رجليه وتغطي  
ولكنه لم ينم من بعيد كانت اصوات الموج تصله خافته  
ورتيبة وموحشة، ان البحر بالنهار يوحي بالجمال ولكنه  
اثناء الليل يبدو مخيفا بعض الشيء..

كانت الافكار تتلاطم في رأس سيد أفندي وتمنعه من  
النوم، فكر بينه وبين نفسه في الاسكندرية..

لماذا تركها وهي المدينة الحية التي لا تنام طوال  
شهور الصيف ولياليه، ولماذا جاء لهذه الفيلا التي تحيط بها  
الرمال من كل جانب كيف سمح لزوجته ان تقنعه بشراء  
الفيلا وكيف سمح لها ان تدخله في دوامة الديون..

تتابعت علي ذهنه ايام الاسكندرية.. مباريات الطاولة  
مع عبده افندي في مقاهي الكورنيش، سندوتشات الفول  
والطعمية علي البلاج لسد الجوع مؤقتا حتي ينتهي السمك  
من نضجه علي النار..

كيف ترك سيد افندي كل هذه المباهج وجاء هنا حيث  
هدوء المقابر ووحشة البعد وتجهم الرمال..

تقلب سيد افندي في فراشه وحاول عبثا ان ينام  
وجاءه صوت زوجته من جوف الظلام.

- انت مابتنامش ليه يا سيد؟

قال سيد - ابدأ..

قالت زوجته - هو ايه اللي ابدأ.. انت قلقان ليه؟

قال سيد - مش عارف..

قالت زوجته - عد من واحد لعشرة وانت تمام..

لم يستجب سيد افندي لنصيحة زوجته، وحاول عبثا  
ان ينام..

ولا يعرف سيد افندي ما الذي ذكره بكلمة تسونامي..  
وجد نفسه يتذكر الكلمة اولا، ثم يدخل في التفاصيل بعد  
ذلك..

كانت الفكرة المسيطرة عليه - وهو راقد في جناح  
الظلمة - ان زلزالا في البحر يمكن ان يقع، والزلازل من  
الاحداث التي لا يمكن التنبؤ بها أو التحذير منها..  
ماذا لو وقع زلزال في الساحل الشمالي، ماذا لو  
ارتفعت الامواج عشرين مترا وسارت الرياح بسرعة ٢٠٠  
كيلو متر في الساعة..

ماذا يفعل سيد افندي في هذه المصيبة لو وقعت..  
والي اين يجري بعيدا عن البحر..

وسط هذا الظلام الكثيف المطبق، كان سيد افندي لا  
يري البحر، وقرر ان يوقظ زوجته.. اضاء نور الغرفة  
فاستيقظت الزوجة منزعجة..

- فيه ايه يا سيد..

قال سيد: البحر هنا فين..

قالت الزوجة: بحر ايه اللي بتسأل عليه في نص  
الليل؟

قال سيد: قولي لي بس البحر فين..

قالت الزوجة: البحر في مطرحه زي ما هو.. كلها كام  
ساعة والصبح يبجي وتستحمي في البحر.. اطفى النور يا  
سيد..

قال سيد: خلي النور والع.. الظلمة شكلها مخيف.

ونام سيد والنور مفتوح حتي الصباح.

في صباح اليوم التالي، وبعد الظهيرة بساعة، توجه  
سيد افندي بعد ان لبس المايوه الجديد الي البحر وجلس  
علي شاطئه..

انه يذكر تحذير عبده افندي له من نزول البحر..

قال له عبده: خلي بالك من بحر الساحل الشمالي، ده  
غير بحر اسكندرية..

في اسكندرية البحر امان.. مافيش تيارات ولا  
دوامات ولا سحب لجوه.. الساحل الشمالي غير كده..  
باختصار ما تخشش جوه البحر في الساحل الشمالي.. خليك  
تلبط عا الشط..

نهض سيد افندي والقي بنفسه في مياه الشاطيء..

سبح ما يقرب من مترين او ثلاثة، ثم وقف في المياه  
فلم يجد ارضا يقف عليها.. وعاد يستدير نحو الشاطيء وهو  
يسبح بعنف، وشرب عدة جرعات من مياه البحر وراوده  
احساس بانه يغرق..



كان السحب قويا ولكن سيد افندي مدفوعا بحرصه  
علي الحياة عاود السباحة حتي وصل الي الشاطيء..  
وخرج من البحر وهو يلهث، وقرر بينه وبين نفسه  
ان يكون هذا آخر عهده بهذا البحر.



## رأي المقهي



ظهر المعلم محمود صاحب المقهي علي غير عادته،  
وفي ساعة غير الساعة التي يذهب فيها للمقهي..

وكان المعروف عن المعلم انه رجل يحب الضحك  
ويهوي الشيشة ولا تغادر الابتسامة شفتيه..

وكان المعلم محمود يحتفظ في جعبته بمجموعة من  
النكت التي لا تعرف من اين يأتي بها..

وهو لا يكرر النكت التي يقولها فاذا كرر نفسه اضاف  
الي النكتة اشياء واختصر منها اشياء فاذا بها نكتة جديدة..

وكان المعلم اذا ضحك اسمعت ضحكته البيوت  
المجاورة..

هذه المرة، كان المعلم يسير مقطب الوجه، غاضب  
النظرة، عابس الجبين..

وفي هذا الوضع الجديد عليه، اعتاد الناس ان  
يتجنبوه، فقد كان المعروف عن المعلم انه كان فتوة في ايام  
شبابه، وكانت يده تسبق لسانه..

من هنا كان من الحكمة الابتعاد مسافة عن المعلم  
حتي اذا غضب وطوح بيديه لم يصبنا من الحب جانب..  
كان من عادة المعلم اذا دخل المقهي ان يحيي الزبائن  
وكان يعرفهم بالاسم ويعرف ابناءهم واحوالهم ولكنه دخل  
صامتا هذه المرة، ودخل دون ان يحيي احدا وجلس امام  
مكتبه الصغير الذي كان ترابيزة لها درج له مفتاح..

بعد دقائق كان صبي المقهي قد وضع الشيشة امام  
المعلم وظبط النار عليها وراح يهوي عليها بكرتونة في يده،  
شد المعلم نفسا عميقا من الشيشة وسأل صبي المقهي..

- عبده افندي جه..

قال صبي المقهي - لا يا معلم لا هو جه ولا سيد  
افندي جه..

سأل المعلم - ماجوش ليه؟

قال صبي المقهي - الدنيا صيف يا معلم، جايز  
بيصيفوا، انشغل المعلم بشد انفاس الشيشة والقي نظرة  
سريعة علي المقهي فاكتشف ان عدد الزبائن قليل..

التفت الي صبيه وسأله..

- الزبائن قليلون ليه يا بليه..

قال صبي المقهي وهو ينصرف بعد ان ناداه زبون..

- يعني انا اللي اكلت الزباين..

بعد ساعة من وصول المعلم محمود وصل عبده  
افندي ووصل بعده سيد افندي..

وجلس الثلاثة علي مائدة واحدة..

سأل سيد افندي المعلم محمود..

- اخبارك ايه يا معلم..

قال المعلم: عندي حريقة في البيت..

سأله عبده - حريقة ازاي..

قال المعلم: الولية مراتي لها أخ بيشتغل في شرم الشيخ، باع اللي وراه واللي قدامه وفتح دكان هناك.. من ساعة ما اتعرف خبر الارهاب وهي بتعط. عاملة في البيت مناحة، ما احناش عارفين اخباره ايه.. عايش والا ميت.. سليم والا مكسور.. انا بقول لها لو كانت الاخبار وحشة كان زمانها وصلت.. بحاول اطمئنها لكن مش عارف اهديها ابدأ..  
تكلم الثلاثة بعد ذلك في موضوع واحد هو الارهاب..

قال المعلم - حد يموت حد ما يعرفوش.. حد ما شافوش قبل كده..

ايه الجبن ده..

وبعدين ده مش موت وبس..

ده موت و خراب ديار.. علي رأي المثل..

انا عندي فكرة عن اللي عمله اخوها لحد ما قدر  
يجمع القرشين عشان يفتح الدكان..

باع اللي حلتاه كله.. واستلف من قرايبه اصحابه  
وحبايبه ما خلاش حد ما مدش ايده ليه..

بعد كده ييجي واحد صايع وجبان ينسف له شقا  
العمر كله في لحظة..

حاول سيد افندي ان يواسيه، ولكنه لم يعرف ماذا  
يقول له وكيف يعزيه..

كان المقهي كله غاضبا وحزينا ومقطبا.. هذا الحزن  
الذي لا تصلح معه مواساة، ووسط هذا الصمت الفاجع قال  
المقهي كلمته..

العريس كبير حبتين.. لكن مصمم يتجوز ...  
بقلم: أحمد بهجت



نظر سيد افندي في ساعته للمرة العشرين..

كان يجلس في المقهي جلسته المعتادة وهو ينتظر عبده افندي كان ميعادهما هو الساعة السادسة، وها قد مرت ساعتان ولم يحضر عبده.

خلال هاتين الساعتين شرب سيد افندي الشيشة اكثر من مرة، وان كان صاحب المقهي لا يحاسبه إلا علي مرة واحدة لصداقة قديمة بينهما.

وكان سيد افندي يكره الانتظار ويتوتر فيه، ومضي يفكر في الذي اعاق عبده.. وعطله عن مواعده.

ان لديه سيارة.. فما الذي يمكن ان يكون قد اصابه، اتراه مثلا تعرض لحادثة من حوادث الطريق.

بدأ سيد افندي يقلق هذا القلق المقيت الذي يقوم فيه الانسان ويقعد دون ان يفعل شيئا.

ولاحظ المعلم قلقه فترك مكانه في المقهي وجاء يجلس مع سيد في البداية سأله:

- أنت قلقان ليه يا سيد افندي.. زمانه جاي.

قال سيد: هو عبده قال لك انه حيتأخر.

قال المعلم: ما حدش قال لي حاجة، انما انا شايفك

قلقان.

قال سيد: يكون عمل حادثة؟

قال المعلم: ما اظنش.. عبده افندي بيسوق علي

مهله. *Rajol*

*Amy*

سأل سيد: امال ايه اللي عطله؟

قال المعلم: الزحام اللي يعطله.. انت معندكش عربية

يا سيد افندي.. وعندكش فكرة عن زحام الشوارع..

دلوقتي اللي ماشي بيوصل اسرع من اللي راكب..

جربت تمشي.

قال سيد افندي: امشي فين في الحر ده.. وبعدين ايه

الحر ده عمرنا ما شفنا حر زيه.

الواحد ماشي في الشارع زي ما يكون ماشي في فرن  
بلدي وبمناسبة الحر. القهوة حر قوي يا معلم.

قال المعلم: فيه مروحة.

قال سيد: انت محتاج تكيف يا معلم.

قبل ان يرد المعلم كان عبده افندي قد وصل.

اعتذر عبده افندي لسيد افندي عن تأخيرته، قال له  
كلمة واحدة.. المرور.

قالها عبده ثم جلس.. وانصرف المعلم ليأمر بالشيشة  
والشاي.

كان وجه عبده افندي ممتعا وذهنه غائبا، ولاحظ  
ذلك سيد سألته - مالك يا عبده.

قال عبده: انا في مصيبة.. لسه دابب خناقة مع  
مراتي.

قال سيد: انت لسه بتتخاق يا عبده.. احنه كبرنا عا  
الخناق.

اتخانقت مع مراتك ليه؟

قال عبده: ابوها هو السبب.

قال سيد: ابوها راخر محترم وكبير في السن ووكيل  
وزارة سابق.. ازاي ده زعلك.

قال عبده: ما زعلنيش انا.. انما زعل بناته، ومراتي  
من ضمنهم.

قال سيد: زعلهم ازاي.

قال عبده: عاوز يتجوز.. بناته الاربعة شنوا عليه  
حرب واتهموه فيها بالجنون.

قالوا له انت عندك ٧٦ سنة، بتقعد عا الكرسي  
بمجهود وتقول من عا الكرسي بمجهود.. تتجوز ازاي وانت  
مش قادر تروح العتبة.

وصل صبي المقهي بشيشة عبده افندي وكوبه من  
الشاي فتوقف عبده عن حكايته حتي انصرف الجرسون.  
بعدها استأنف حكايته.. قال:

- الحرب العالمية نشبت خلاص في بيتنا.. مراتي  
بتشن علي ابوها حلة.. مرة تقول رايح يتجوز الشغالة،  
ومرة تقول لي يتجوز بنت ريفية بتبيع لبن وماشية حافية.


قاطع سيد محدثه قائلا:  
- وانت ايه علاقتك بالموضوع كله.  
قال عبده: مراتي اصرت اني اروح اكلمه واقنعه انه  
ما يتجوزش.

سأله سيد: ورحت له.

قال عبده: رحى له، قلت له بلغني يا عزيز بك انا  
حتتاهل.

قال لي ببرود: عندك مانع؟ قلت له انا جاي ابارك لك  
ده كل اللي قدرت اقوله، بعد كده هو اتكلم، قال لي انا راجل  
عايش في شقة لوحدي، شقة ء اوض كبيرة، عايز ونس، حد  
يونسني.. حد يدعك لي ضهري.. حد اتكلم معاه بدال ما انا  
قاعد اكلم الحيطان في الزنزانة الانفرادية اللي انا عايش  
فيها.. بعد الكلام اللي قاله قلت له عداك العيب يا عزيز بك..  
ربنا يسعدك.. مراتي بلغها اللي حصل شاطت واعلنت الحرب  
علي.. ايه رأيك انت يا سيد في الحكاية دي.

قال سيد: سيبي افكر يا عبده.





## من أخطاء الطبيعة شيخ عاشق



عاد سيد افندي الي بيته وهو مهموم بهم صاحبه  
عبده وخلع ملابسه وجلس يتعشي مع زوجته.. كان عشاؤه  
زبدية لبن زبادي ولقمة عيش وزيتونتان اكل الزيتون وقال  
لزوجته..

- عاوزين طبق صغير احط فيه بذر الزيتون قالت  
زوجته - لازمته ايه الطبق دول كلهم زيتونتين..

حطهم عا الترابيزة وانا حمسح الترابيزة بعدما تاكل  
ومع الزيتون الثانية فكر سيد افندي في مشكلة صاحبه  
عبده، وقال لنفسه - اسأل زوجتي.. فلعلها مثل جهينة عندها  
الخبر اليقين..

قال لزوجته - فاكركه صاحبي عم عبده..

قالت لزوجته بانزعاج - ماله.. مات..

قال سيد - فال الله ولا فالك.. لسه عايش.. بس عنده مشكلة. وعاوز آخذ رأيك فيها..

قالت زوجته - مشكلة ازاي.. اوعي يكون عايز يستلف منك، احنه ما معناش فلوس..

قال سيد - لا لا.. مشكلته حاجة تانية خالص..

مراته لها أب، ابوها يبقي حماه، حماه ده عنده ٧٦ سنة.. يعني ماشي في طريقه للثمانين.. طقت في دماغه انه يتجوز.. بناته الثلاثة سمعوا الخبر كان ولعت فيهم حريقة.. ايه رأيك انتي الاول في الموضوع..

استراحت الزوجة في كرسيها وانجعت الي الورا

وقالت:

- اما راجل ناقص بصحيح..

سألها سيد - ناقص ليه.. راجل عاوز يتجوز..

قالت الزوجة - راجل داخل عا التمانين.. ده مش  
مفروض يتجوز..

ده مفروض يفكر في آخرته..

قال سيد - يعني رأيك زي رأي بناته..

سألت الزوجة - رأي بناته ايه..

قال سيد - البنات متهمينه انه خرف ومخه ضرب  
ومستعدين يرفعوا عليه قضية ويحجروا عليه..

قالت الزوجة: قول لي يا سيد.. همه الرجالة لما  
بيكبروا مخهم بيضرب. يعني انت بعد عشر سنين حتعوز  
تتجوز قال سيد وهو يضحك - انا بعد جوازك يا تفيدة خدت  
موقف من الجواز.. دلوقتي انتي ما جاوبتيش بحاجة في  
المشكلة..

عبده عاوزني اروح معاه لحماه عشان اكلمه واقنعه  
انه ما يتجوزش.. اروح والا اعتذر..

قالت الزوجة - اعتذر، علي رأي المثل هم يضحك  
وهم يبكي، قال عاوز يتجوز قال:

انتهي سيد افندي من عشائه وكان قد قرر التدخل في  
الموضوع اي انه قرر عكس ما نصحت به زوجته..  
وفي اليوم التالي قال سيد لعبده..

- خلاص يا عبده، انا قررت اروح معاك لعزيب بك  
واحاول اقنعه..  
اسعد هذا القرار عبده افندي، ونقله لزوجته التي  
سعدت به هي الاخرى سعادة شديدة..  


وتقرر زيارة عزيز بك بعد تحديدهم موعدا معه كان  
شرط قبوله ألا يحضر الجلسة اي نساء، سواء في ذلك بناته  
او اي اقارب من النساء..

بدأت الجلسة بقصيدة مدح في عزيز بك، وهي  
قصيدة تناول قراءتها عبده وسيد..

قال عبده - عزيز بك كبير العائلة، وهو صاحب  
الحكمة والاراء السديدة، وحين تدلهم الخطوب يتقدم عزيز  
بك لحل المشاكل ويحلها فعلا لا قولاً..

وتحدث سيد افندي فقال انها فرصة عمره ان يلتقي  
بفيلسوف العائلة وزعيمها الاوحد.

وكان رد فعل عزيز بك انه قال - تشربوا شاي والا  
تأربعوا حاجة باردة.


ورفض الرجل التعليق علي كل المدائح التي سيق  
اليه واحس سيد افندي كما احس عبده انها قد جاء الي  
المكان الخطأ، وانهما غير مرغوب في وجودهما.. وارتج  
عليهما القول الا ببیت من الشعر قرأه سيد افندي زمان وكان  
يقول:

- من اخطاء الطبيعة شيخ عاشق، واراد ان يقول هذا  
البيت لعزيز بك ثم يدلف بعدها الي المهمة التي جاء لها  
ولكن الله لم يفتح عليه بشيء..

ظل صامتا لا يعرف ماذا يقول..

بعد لحظات دخلت صينية عليها الشاي والكاغوزة،  
وكات تحمل الصينية فتاة في ربيع العمر..

قال عزيز بك - اقدم لكم مراتي الجديدة.. نرجس،  
بياعة اللبن الحساء اللي لقطتها من عا السلم.





## المعلم حمدي والانتخابات



كان المعلم حمدي يرتدي ملابس الخروج ويتهياً  
للذهاب إلي المقهي حين قالت له زوجته...

أنت مارشحتش روحك ليه يامعلم..

نظر المعلم حمدي إلي زوجته ليري هل تسخر منه أم  
أنها جادة، فوجدها تتكلم بجد... ارضته هذه المجاملة ولكنه  
لم يرد عليها فعادت تسأله لماذا لم يرشح نفسه بينما دماغه  
من نوع يوزن دماغين.

ابتسم المعلم وانتشت أعطافه ولكنه كان ابتساماً  
حذراً، فلاريب أن وراء حلاوة اللسان هذه طلباً للنقود أو  
طلباً ما...

ولم يخب ظن المعلم..

بعد هذه المقدمة الناعمة طلبت الزوجة نقودا، وكان  
رد المعلم كلمة واحدة - مامعيش فلوس...

قالت الزوجة..

لو كنت رشحت نفسك كان زمان معانا فلوس كتيره  
تساعل المعلم - فلوس منين..

قالت الزوجة - من الترشيح يامعلم... الحكومة بتدي  
لكل مرشح خمسميت ألف جنيه..

يعني نص مليون جنيه..

تساعل المعلم - عشان ايه دول

قالت الزوجة - عشان يعمل دعاية انتخابية بيهم... كنا  
صرفنا منهم جزء عا الدعاية الانتخابية، والباقي حوشناه.

سأل المعلم زوجته - الكلام ده جبتيه منين

قالت - من الجرايد يامعلم

لم يصدق المعلم ما تقوله زوجته، وانتهى من ارتداء  
ملابسه وخرج في طريقه إلى المقهى.

كانت هذه هي المرة الأولى التي يسمع فيها شيئاً عن  
موضوع النص مليون جنية.

وتصور بينه وبين نفسه أن زوجته تهذي، وربما  
تكون قد سمعت هذا الخبر من جارتها أو من صاحبة لها..

وقال المعلم لنفسه اسأل سيد أفندي أو عبده أفندي  
وهما من قراء الصحف ولا ريب أنهم يعلمون حقيقة  
الموضوع.

دخل المقهى أخيراً وبحث بعينه عن سيد أفندي فلم  
يجده وكان عبده أفندي غائباً هو الآخر...

وجلس المعلم أمام الشيشة ودخن حجرين كاملين...

ثم عوض الله صبره خيراً فوصل سيد أفندي وعبده  
أفندي معاً..

ونهض المعلم واسرع اليهما وقادهما بنفسه إلي  
طرايزة بعيدة وجلس معهما..

بعد أن أحضر صبي المقهي ما طلبه المعلم لضيفيه  
وانصرف سأل المعلم سيد افندي

همه صحيح بيدوا نص مليون جنيه لكل مرشح

قال سيد - ايوه... ليه يامعلم عندك حد عايز ترشحه

تحول وجه المعلم من الرضا الطبيعي إلي الغضب  
الشديد..

Amy

قال المعلم مخاطبا سيد أفندي

كده أنت زعلتني ياسيد افندي، حاجة زي دي تخبيها  
عنا..

قال سيد وهو يضحك - أنت عاوز ترشح نفسك

قال المعلم وهو جاد - لأ... أنا مش عاوز ارشح  
نفسي، أنا عاوز النص مليون..

قال سيد - ضروري تكون لك علاقة بالسياسة،  
وضروري تكون عضو في حزب م الاحزاب.. المسألة مش  
سهلة يامعلم..

قال المعلم يائسا - كنا حاولنا... المبلغ يستاهل  
المحاولة.

اغرق سيد افندي وعبد افندي في الضحك، وسأل  
سيد المعلم

أنت عاوز نص مليون جنيه ليه يامعلم  
قال المعلم - كراسي المقهي دابت وقلبها وقع، كنت  
جددت القهوة والمراتب في البيت كلكت وعازرة تنجيد...  
كنت جددت المراتب ونفضت القطن..

عاوز اشترى جلبيتين لان جلالبي قدمت وياقاتها  
نحلت عاوز كمان اشترى ٢ كيلو نيفه و٢ كيلو كباب

وقاطعة سيد - بس انت لاعضو في حزب ولا بتشتغل  
بالسياسة... يدوك نص مليون بمناسبة ايه.

قال المعلم - بمناسبة الانتخابات، وإذا كان عا الحزب  
أخش في حزب، وإذا كان عالسياسة اشتغل بالسياسة... وكل  
سنة وانتو طيبين، سأله عبده - إذا افترضنا انك رشحت  
نفسك، ايه سيكون البرنامج بتاعك.

قال المعلم - سيكون كلمتين اتنين وبس... رغي  
العيش.. اصلح رغي العيش كله يتصلح بعد كده


سأله سيد - مش حتصرف عالعاية الانتخابية حاجة  
قال المعلم - لو فضل حاجة ابقي اعمل كام يافظه  
عاود عبده سؤاله - حنتخب مين في المرشحين

يامعلم

قال المعلم - حنتخب الرئيس

عادا يسألانه - لو رشحت نفسك حنتخب نفسك طبعا

قال المعلم - لأ حنتخب الرئيس برضه





## سمسار انتخابات



لاحظ سيد افندي ان المعلم حمدي مشغول بالحديث  
مع شخصية تظهر في المقهي للمرة الاولى، مال سيد علي  
عبدہ وقال له مين ظهر في القهوة.. انا اول مرة اشوفه.



قال عبدہ - ده سمسار انتخابات.

**Rajol**

قال سيد - فيه حاجه اسمها سمسار انتخابات.

**Amly**

قال عبدہ - ايوه فيه.

قال سيد - ازاي ده.

قال عبدہ - زي الناس.. سمسار الشقق بتجيب شقق  
وسمسار الانتخابات بتجيب اصوات.. حاكم الانتخابات دي  
موسيم ياسيد.

سبويه وراها لقمة عيش.. الدنيا ارزاق ياسيد.. شد  
سيد نفسا من انفاس الشيشه ونادي علي صبي المقهي ان  
يحضر له بعض الفحم المشتعل بدلا من الفحم الذي خبا  
وانطفأ.

اما عبده فقد تناول رشفه من فنجان القهوة وسأل  
سيد - عمرك فكرت ترشح نفسك ياسيد..

قال سيد ضاحكا - عمري ما فكرت.. حتي من ايام  
المدرسة كنت دائما اكتفي بالفرجة علي اي نشاط.  
انا بيتهيألي ان المرشحين دول ناس عندهم جرأة،  
وغاوين يشيلوا مسئولية.. انا مش قادر اشيل مسئولية  
نفسي.. اشيل مسئولية غيري ازاي.

عشان كده عمري ما فكرت ارشح نفسي، انا شعاري  
المرفوع هو رحم الله امرأ عرف قدر نفسه.

قال عبده - انت ما عندكش طموح ياسيد قال سيد -  
كده احسن يا عبده.. يغور الطموح اللي يجيب مشاكل..

كان المعلم قد انتهى من حديث مع الرجل الغامض  
الذي ظهر للمرة الأولى في المقهي.

توجه المعلم بعد انصراف الرجل الي مائدة سيد  
افندي وعنده افندي وجلس معهما وهو يقول.  
- لا مؤاخذة كان في ايدي حت شغل.

قال له سيد - ان شا الله تكون وفقت يا معلم.

قال المعلم - التساهيل علي الله يا سيد افندي.

قال سيد - عارف يا معلم عارف ان التساهيل علي  
الله انا بسألك عن الانتخابات مش عن التساهيل.

صمت المعلم برهة كان يجمع افكاره، ثم قال عبارة  
غامضة مبهمة لا يفهم منها شئ.

وادرك سيد افندي ان المعلم لا يريد ن يتكلم.. وكان  
فضول سيد قد بلغ الذروة فعاد يقول للمعلم.

- فرض يا معلم.. مجرد فرض.. ان انا رشحت نفسي  
في الانتخابات.. وجيت لك عشان تساعدني في الدعاية، قول  
لي حوز رجاله أد ايه واحتاج لفلوس كام.

قال المعلم بعد لحظة صمت.

- انا ممكن اقول لك حتعوز كام راجل أما موضوع  
الفلوس ده موضوع تاني.. ممكن تصرف قرش، وممكن  
تصرف مليون.. حسب الطلب.. وعدد الاصوات اللي انت  
عايزها.. كل شئ بتمنه يا سيد افندي.

قال سيد - يعني تقريبا محتاج كام راجل.

قال المعلم - محتاج لاتنين فتوات، عشان لو حصل  
اشتباك مع مرشح تاني يدافعوا عنك الفتوات ويضربوا.

دي اول رجاله محتاجها؟

بعد كده محتاج قد عشرين او ٣٠ واحد من  
الحشاكيل.

دول حيتلفوا حواليك، ودول اللي حيسأفو علي كلام  
فاضي تقوله.

سأل سيد - يعني دول الهتيفة.


قال المعلم - لأ.. الهتيفة حاجة تانية.. الهتيفة يهتفوا  
للمرشح، والحشاكيل دول تبع التسئيف، والفتوات للضرب.

وحتحتاج؟ نسوان عشان يزغروطوا عشان يبقي ده  
فال كويس للمرشح انه حينجح استمع سيد لما قاله المعلم  
وقال له.

- ما جبتش سيرة البرنامج اللي حيقدمه المرشح قال  
المعلم - دي حاجة ترجع للمرشح.. هو حريقول البرنامج  
اللي يخطر علي باله.

المثل بيقول ايه.. ربنا وع الارزاق ماحدش عجه  
رزقه، لما وزع العقول كل واحد عجه عقله البرنامج ده  
مش مهم يا سيد افندي، المهم النيه تكون سليمه.

وبعدين ما تقلقش من ناحية البرنامج، انا اعرف  
عرض حالجي ممكن يكتب برامج للمرشحين، حسب الطلب  
بس انت انوي واحنه في الخدمة.





## الرهان والمشكلة



وقعت مشكلة الرهان في المقهي.. بمحض الصدفة.

ان واحدا من زبائن المقهي كان وفديا، ونزولا علي  
هذه الصفة قام ببعض الدعاية للوفد..

وقال فيما قاله وهو يتحدث عن الماضي، ان الوفديين  
زمان كان لهم شعار شهير يقول..  
- لو رشح الوفد حجرا لانتخبناه..

ترك المعلم حمدي الزبون يتكلم علي هواه، اذ الاصل  
المفروض ان الزبون دائما علي حق..

بعد ان انتهى من كلامه طلب الزبون شيشة وجلس  
يشد انفاسها..

واقترب المعلم من الزبون الوفدي وقال له..

- تراهن يا فاروق بيك..

تسائل فاروق - علي ايه..

قال المعلم - انت بتقول الوفد حيكسب وانا بقول  
الحزب الوطني هوه اللي حيكسب.. نحلها ازاي المشكلة  
دي..

قال فاروق - قول اقتراحاتك..

قال المعلم - نتراهن.. مش ضروري علي مبلغ كبير..

حاجة رمزية..

قال فاروق - زي ايه..

قال المعلم - زي مشاريب القهوة لمدة ساعتين..

قال فاروق وهو يحس بالاحراج.

- ماشي يا معلم.. ماشي.. علي الله نفس الزباين ما

تتفتش في الساعتين دول..

بعد ان ظهرت نتائج الانتخابات اختفي فاروق من  
المقهي يوما ثم ظهر اخيرا..

سأله صاحب المقهي - كنت فين يا فاروق بك..

قال فاروق - كنت في الدنيا.. انت عاوز مني كام..

قال المعلم - مش عاوز حاجة..

قال فاروق - امال الرهان راح فين..

قال المعلم - احنه كنا بنضحك يا فاروق بك.. القهوة  
دي عمرها ما اتلعب فيها قمار..

بعد نصف ساعة وصل سيد افندي فاتخذ جلسته  
المعتادة وبدأ بكوب من الشاي واتبعه بالارجيله ومر الوقت  
ولم يحضر عبده افندي..

وأحس سيد افندي بالقلق، لقد طلبه عبده في  
التليفون وقال انه يريد ان يراه لموضوع مهم..

ما هو هذا الموضوع المهم..

تساءل سيد افندي بينه وبين نفسه عن هذا  
الموضوع ولكنه لم يستطع الاهتداء الي معرفته..  
وظل علي حيرته حتي وصل عبده اخيرا..  
كان مكفهر الوجه كأنه خارج من خناقه..

جلس امام سيد وتناول منه الشيشة فشد منها نفسين  
واعطاها لسيد وهو يقول بصوت شبه خافت..

انا عندي مشكلة يا سيد..  
قال سيد - خير.. فيه ايه.. شكك زي ما تكون خارج  
من خناقة..

قال عبده - انا خارج من خناقة..

سأل سيد - مع مين؟

قال عبده - مع مراتي..

سأله سيد - فيه ايه ثاني..

قال عبده - القصة القديمة.. مراتي اكتشفت ان ابوها  
اتجوز.. من ساعتها وهي والعة..

قال سيد لعبده - دي حاجة شخصية.. انت مالك تتدخل  
في حاجة خاصة زي دي..

قال عبده - مراتي عاملة حرب ضد أبوها.. زي حرب  
امريكا علي العراق.. ومعتبره ان انا اهم جنرال في الحرب  
دي، عارف ايه طلباتها..


عاوزاني اتدخل واقنعه انه يسبب مراته ويطلقها يا  
اما أنضم للجيش الي حيرف علي قضية ويحجروا علي  
املاكه وفلوسه في البنوك..

يا اعمل كده فتراضي عني مراتي، يا اما ا بقي زوج  
سلبى وعاق ومالوش قيمة ولا ليه لازمة..

استمع سيد لصديقه عبده وضحك بعد ان تردد طويلا  
هل يضحك ام يشارك صاحبه مأساته بتقطيب الوجه  
والتكشير..

اختار سيد ان يضحك.. بعد ثوان كان عبده يضحك  
معه وهو يقول - صحيح.. شر البلية ما يضحك.. اعمل انا ايه  
في المشكلة دي يا سيد..

قال سيد - المشكلة دي عاوزة واحد شيشة بالتفاح  
موش كدة والا ايه..





## عفاريت لحل المشكلة



كان رأي سيد افندي ان مشكلة عبده افندي تحتاج  
الي شيشة بالتفاح..

وصدر الامر الي صبي المقهي ان يحضر الشيشة،  
ولكنه ذهب ولم يعد..

ومرت ربع ساعة، ثم ربع ساعة أخرى وهو لا  
يظهر، وهنا تحرك عبده افندي ونهض يبحث عنه انتظر  
حتي انتهى من كلامه من الزبون وحاسبه وانصرف..

سأله عبده - ايه يا واد يا بليه.. انت مختفي فين سيد  
افندي طالب شيشة بالتفاح.. هي فين؟

قال بليه - يا عبده بك الناس حتاكل بعض كان زمان  
صبي القهوة هوه الحرامي اللي بيسرق الزباين النهاردة

الحكاية دي اتقلبت.. النهاردة الزباين همه اللي بيسرقوا  
ويغالطوا واحد غلبان زي عاد عبده الي منضته وقال لسيد..

- الشيشة جاية ورايا يا سيد..

قال سيد - الواد بلية اتعلم الكسل..

قال عبده - ما تظلموش يا سيد.. تصور انه متهم  
الزباين إنها بتسرقه..

قال سيد - ما تصدقوش.. ده حرامي كبير وصل بليه  
الي المنضدة عند هذا الحد من الكلام.. سمع الجملة الاخيرة،  
قال وهو يضبط الشيشة ويوقظ الفحم..

- الشيشة يا سيد افندي..

قالها ولم ينصرف..

سأله سيد..

- انت واقف ليه يا واد..

قال بليه - انا مش حرامي يا سيد افندي.. احلف لك  
بايه عشان تصدق - الزباين هي اللي بتغالط في الحساب قال  
سيد - خلاص يا بليه.. روح هات فنجان قهوة سادة وما  
تروحش تغيب وتقول عدولي..

انصرف بلية وهو يبرطم بكلمات غير مفهومة..

أما سيد افندي فقد شد نفسا عميقا من الشيشة  
واخرج الدخان من انفه وقال لعبده..  
- انت في مشكلة كبيرة يا عبده..  
سأله عبده - مشكلة ايه يا سيد..

قال سيد - مشكلة حماك، ابومراتك اللي اتجوز وهو  
عنده ٨٠ سنة..

قال عبده - تصور ان انا نسيت المشكلة دي، وانت ما  
قلتليش حتحل لنا المشكلة دي ازاي..

شد سيد نفسا من الشيشة وقال لعبده..

- انت في مشكلة ما هياش تقليدية يا عبده..

قال عبده - مضبوط يا سيد..

قال سيد - انا خلاص شديت ٣ أنفاس من الشيشة  
ولقيت لك حل للمشكلة كلها..

قال عبده - قول يا سيد.. حطق من جنابي..

قال سيد - شوف يا عبده.. حيث ان مشكلتك غير  
تقليدية، انت محتاج لحلول غير تقليدية انت من حيحل  
مشكلتك غير العفارييت..

قال عبده - اتكلم جد يا سيد..

قال سيد - انا بتكلم جد.. لما تروح بيتك قول لمراتك  
ان احنه اتكلما مع بعض، وقلت لك ان تصرفات الراجل  
الكبير اللي راح اتجوز ده معمول له عمل..

عشان تفك العمل ده محتاجين نروح لواحدة ليها  
علاقة بالعفارييت، وتقدر تفك العمل اللي معمول للراجل  
الطيب الغلبان حماك..

قال عبده - تفتكر مراتي حتبلع الحدوتة دي..

قال سيد - جرب يا عبده..

المكان: منزل عبده افندي..

زوجته تجلس امامه وتستمع لقصته.. انتهى عبده  
من حكايته فصمت.. انتظر رد فعل زوجته فوجدها تفكر.. بعد  
لحظة صمت سألت الزوجة..


- اسمها ايه الست دي..

قال عبده - اسمها بخيته..

قالت زوجته - ودي ساكنة فين.. نروح لها ازاي..

قال عبده - نسأل.. اللي يسأل ما يتوهش..

لم يكن عبده افندي يعرف سيدة باسم بخيته.. وكان  
هذا.. الاسم هو اول اسم خطر علي باله..



## زيارة للساحرة العجوز



كان سيد افندي يمزح وهو يقدم اقتراحه لعبده افندي  
وينصحه بالجوء إلى السحر، حلا لمشكلة زوجته التي  
تزوج والدها رغم انه في الثمانين من عمره.

كان الأمر مزاحا ولكنه انقلب من المزاح الى الجد.  
أما عبده افندي فلم يكن يصدق حكاية السحر  
والساحرات.

وخشي ان يكون رأي زوجته مثل رأيه، فاذا كان  
الأمر كذلك فسوف يحدثها أنه كان يمزح.

وصل عبده الي بيته.

كانت زوجته تنتظره فقالت له أول ما رأيته.

- كنت فين لحد دلوقتي.



قال لها - حكون فين.. كنت في القهوة.

عادت زوجته تسأله.

- عملت ايه في موضوع بابا.

قال عبده - عرضت الموضوع علي صديق حميم لي،

تفتكري قال ايه؟

قالت الزوجة - قال ايه؟

قال عبده - قال ضروري مراته الجديدة عاملة له

*Amy*

عمل.

قالت زوجته - انا قلت كده.. اكيد معمول له عمل، اكيد

حد عامل له سحر.

قال عبده وهو يريد ان يبيريء ذمته.

- انتي بتصدقي الكلام ده.

قالت الزوجة - ايوه بصدق.. انت ما شفتش بابا اتغير  
ازاي.. ما بقاش هو بابا اللي عرفناه، اتبدل.. بقه واحد  
تاني.. انت اصلك ما شفتشي.

قال عبده - ازاي ما شفتش.. انا رحت له وطرده  
ورجعت حكيت لك اللي حصل.

قالت زوجته - عارفه انك رحت له، لكن انت ما  
بتاخدش بالك وما جتش فرصة تقعد معاه وتشوف اتغير اد  
ايه، انا قعدت معاه وشفت.

سكت عبده افندي.. كانت زوجته تتكلم بانفعال  
واضح، وكانت تشوح بيدها في وجهه، وكان واضحاً انها  
علي استعداد لعمل اي شيء لكي تسترد والدها كما كانت  
تعرفه زمان.

قالت لعبده - الحل ايه يا عبده.

قال عبده - مش عارف.

قالت زوجته - نعمل له عمل نفك بيه العمل اللي  
معمول له مافيش حل قدامنا غير كده.

قال عبده ما يمكن والدك يرجع لعقله.

قالت - مش حيرج.

قال عبده - ايه المطلوب مني دلوقتي.

قالت زوجته - مطلوب منك تقف جنبى وتشجعني  
عشان اكسب المعركة دي.

قال عبده - انا واقف جنبك وبشجعتك.. الي الامام يا  
رومل.

في اليوم التالي..ذهبت سميرة( زوجة عبده افندي)  
الي صديقة لها باع في السحر والاعمال، وقالت لها صديقتها  
انها ستأخذها الي ساحرة تفوت كلماتها في الحديد.

كان بيت الساحرة بيتا عاديا يكاد يكون بيتا فقيرا  
يخلو من الاثاث.. باستثناء غرفة واحدة هي غرفة الشغل،

وكانت هذه الغرفة تضم مكتبا قديما عليه مجموعة من  
الزجاجات الفارغة والتماثيل القديمة والصور.

قالت الساحرة للزبونتين سميرة وصديقتها.

- تشربوا ايه..

بعد قليل من التمتع استقر الرأي علي القهوة.

جلست الساحرة في مكان الصدارة وضعت القهوة  
بيديها والتفتت بعد ذلك لسميرة وقالت لها.

- بالك مشغول يا شابه براجل هو جوزك واللا قريبك؟

قالت سميرة - ابويا عنده ٨٠ سنة واتجوز الشغالة..

قالت الساحرة - ضروري معمول له عمل.

قالت سميرة - أنا قلت كده.. عاوزين نفك العمل ده.

قالت الساحرة - ده حيكلفك كتير ياشابه

قالت سميرة - زي ما يتكلف.. مش مهم الفلوس،  
المهم نفك العمل.

تدخلت صديقتها في الحديث وسألت - يتكلف كام.

قالت الساخرة - عاوزين ديك رومي ابيض وفيه نقطة  
حمرا.

وعاوزين خروف اسود وفيه نقطة بيضة.

دول حيروحووا للجن اللي حيفك العمل، ادي باكو وانا  
باخد باكو.

آدي الفين جنيه.. بس الاهم من ده كله هوه الاتر..  
فين الاتر.

سألت سميرة - اتر ايه؟

قالت الساحرة - عاوزين اتر للي معمول له العمل،  
الاطر ده حاجة من ريحته.. زي منديل.. زي فانلة.. زي  
قميص.. باختصار.. حاجة من ريحته.

دي أهم حاجة، من غير الاترده ما نعرفش نروح ولا  
نيجي ولا نقدر نفك العمل.. او نبطل السحر.

